

NUNATSIAVUT Katimajitsuangit

IL 2016-02

TORNGAT KUAPANGA TAUTLILITSASIGIAMUT PIKKUJANGA, 2016

**INUIT MALIGATSANGA PITSATUNIKATTISIGIAMUT NUNATSIAVUT
KAVAMANGANIK AITTUIGIAMUT TAUTLILITSAMIK ANGIUTAUMI
IKAJUTSIGIAMUT TAUTLILITSAUTILLUGU TORNGAT
OGANNIATULIGIJINGITA KUAPANGANUT
ILINGATILLUGU
APRIL 5, 2016-MIT DECEMBER 31, 2016-MUT**

ILUMIUTANGIT

Pigiisiutet

- 1 Naittuk Taigusik
- 2 Tukungit
- 3 Akigattunik Inuit Maligatsanganik
- 4 Pitsatunik killigiutjiutiKagiamut Akilittauluni Torngat kuapangata Pigumajangit
- 5 AnginippaugiaKajuk KatsitogiaKaninginnut ammalu Pitjutingit Tautlilitsasigiamut killigiutjiutik
- 6 Akuninut AngiKatigegutik
- 7 Paigijaugutitsak Atuttaugialik AngiKatigennimut
- 8 Takusongugunnani kenaujalittajunik AllaKutinik
- 9 Maligatsagiallait Piusiugialellu
- 10 Akilittaunitsanga AngiKatigegutik
- 11 Tautlilitsasinik Akilegiamut AngiKatigegutimmik
- 12 AngiKatigegutik Akililitsasittaugunnaninga kenaujakkuvimmit
- 13 Tigumiagunnani Asiagullu PiKutinik Atuttaugajattunik Akiliutigillugit
- 14 Angiutaugialet Atitallugillu kenaujatsait
- 15 NukKatitauninga Torngat Tautlilitsasigiamut AngiKatigegutingata PikKujanga, 2015-imi
- 16 AtuttauliaKinitsanga

Imaimmat allatausimajuk 8.6.2 Maligatsasuangani atuttaugiamut Nunatsiavut katimajitsuanginnut pitsatuniKattitaulluni Nunatsiavut kavamanganut aittuigiamut tautlilitsamik angikategutigillug pingasunut katimajiujunut;

Ammalu Imaimmat allatausimajuk 80 kenaujanik Aulatsigiamut PikKujak atuttaugiamut Nunatsiavut kavamanga tautlilitsasittisilluni angikateginnikut pitsatuniKattitaulluni malillugu Inuit Maligatsanga,

AMMALU TAIMAIMMAT ATUTTAUTITAULLILI Nunatsiavut katimajitsuanginnut imailingatillugu:

Naittuk Taigusik

1.

Una PikKujak uKautaugunnaKuk *Torngat kuapanga Tauttilitsasittitaulluni AngiKatigennikut PikKujangani, 2016.*

Tukingit

2.

Tagvani PikKujammi:

- (a) “PikKujak” tukiKavuk Inuit Maligatsanga ilauttitautillugulu una Inuit Maligatsanga;
- (b) “kenaujanik Kimigguji” tukiKavuk kenaujanik Kimiggujinga Nunatsiavut kavamangani tilijaumajuk maligatsaKatillugu Maligatsasuammi;
- (c) “Maligatsasuak” tukiKavuk Labradorimi Inuit Maligatsasuanga;
- (d) “Aulatsiji” tukiKavuk kiggatutti Nunatsiavut kavamangani tilijaumajuk malillugu allataumajuk 12 *kenaujanik Aulatsigiamut PikKujangani;*
- (e) "kenaujakkuvik" tukiKavuk katitsutaumangituk kenaujait Nunatsiavut kenaujakkuvigani asingit kenaujangita Nunatsiavut kavamangani pivallianimmut kenaujani uKautaujut allatausimajumi 44(1)(e) *kenaujanik Aulatsigiamut PikKujangani;*
- (f) “Nunatsiavut kenaujakkuviga” tukiKavuk katitsutausimangituk kenaujait Nunatsiavut kavamangani uKautaujut ilangani 8.1 Maligatsasuami ammalu allatausimajumi 44(1)(a) *kenaujanik Aulatsigiamut PikKujangani;*
- (g) “AngajukKâk-katimajini” tukiKavuk AngajukKâk Nunatsiavummi kamaKattajuk uKautjigiagusingitituk Nunatsiavut AngajukKaunet katimajinginnut;
- (h) “Torngat kuapanga” tukiKavukTorngat kuapanga, maligatsatigit ilauKataujuk atâni *kuapait PikKujangani Newfoundland Labradoriullu;* ammalu
- (i) “kenaujaligiji” tukiKavuk Nunatsiavut kenaujaligijinga uKautaujuk allataugiallasimajumi 5.1.1(c)-mi Maligatsasuammi.

Akigattunik Inuit Maligatsanganik

3.

Adjigengipata ubvalu akigattupata akungani tagvani PikKujammi ammalu allatausimajuni *kenaujanik Aulatsigiamut PikKujangani,* una PikKujak atuttaugunnatuk kamagiamut adjigengituk ubvalu akigattotet.

Pitsatunik killigiutjiutiKagiamut Akilittauluni Torngat kuapangata Pigumajangit

4.

Malillugu tagvani PikKujak, AngajukKâk-katimajini pitsatunittâsigunnaKuk kenaujaligijimik, kiggatulluni Nunatsiavut kavamangani, ilauKataugiamut angiKatigegutimmi nallituinnanginni aktasianguKattajunik tauttilitsasipvinik Canadami, kavamanga Newfoundland Labradoriullu, ammalu Torngat kuapanga ubvalu kinatuinnak inuk pitjutauKataujuk angiKatigegiamut akilegiamut atugatsanginnik Torngat kuapangat ilingatillugit ammalu Kanuilingausingit akingit allatausimajumi 5-mi.

AnginippaugiaKajuk KatsitogiaKaninginnut ammalu Pitjutingit Tauttilitsasigiamut killigiutjiutik

5.

Malillugu tagvani PikKujak, AngajukKâk-katimajini pitsatunittâsigunnaKuk kenaujaligijimik angiKatigennikut tauttilitsamik aktasiangusonit tauttilitsasipvinit Canadami aitillugit Torngat kuapanganut akingit akitunitsauluttinagut kititanginnik \$750,000-mit atugatsanga Torngat kuapangata aulatsigiamut kenaujanginnik 2016-mi jâringani ammalu ilauKataullutik sunagiallanik angiKatigegutinik AngajukKâk-katimajiulluni uKautijaugunnaKuk sunanik ubvalu kamatsialutik paitsisiagiamut ammalu aulatsigiagiamut akittugiagunnatut Nunatsiavut kavamangani ilingajuit angiKatigegutimmut.

Akuninut AngiKatigegutik

6.

Akinga maligatsatigut tauttilitsak angiKatigegutikkut atâni tagvani PikKujammi nâjigiaKavuk taitsumani ubvalu sivungani December 31, 2016.

Paigijaugutitsak Atuttaugialik AngiKatigennimut

7.

kenaujaligiji pikKujigiaKavuk Torngat kuapanganik aittuituiluni paitsiutitsanik ilingajunik tauttilitsasigiamut angiKatigegutimmi Katsitojuni ammalu sunait kenaujaligijiulluni isumagigialingit aittuiKâgani Kanuittunik tauttilitsanik angiKatigennikut ukununga ubvalu Torngat kuapanganut ubvalu Torngat kuapangata kenaujaKautinganut tagvani atâni PikKujammi.

Takusongugunnanik kenaujalittâjunik AllaKutinik

8.

kenaujaligiji pigiaKavuk maligatsaKalluni tauttilitsasigiamut angiKatigegutimmik aititaulluni Torngat kuapanganut kenaujanik Kimigguji tigumiagatsanganik ilonnangitigut kenaujanik allaKutinginni, kenaujalittâjunillu ammalu asinginnik allaKutinginnik Torngat kuapangata atuKattatagit Kaut tamât suliaKadlutik sitonginni pivitsaKattitaulluni KaujimattitauKâtillugu.

Maligatsagiallait Piusiugialellu ammalu Utittisigiamut Akiligialinnik

9.

- (1) Ikillingimagillugit sunait allatausimajumi 6,7 ammalu 8-mi, kenaujaligiji pitaKagiaKavuk asigiallanginnik maligatsanik kamagijaugialinnilu kamatsialunilu ubvalu adjigettilugit pitsianikkut suliaKapvimi piusiugialet aittutaukKâgani tauttilitsamik Torngat kuapanga atâni tagvani PikKujammi ammalu utittitaugiaKavuk Torngat kuapangani ilonnatik akiligialet ammalu akilittaugialet atuttausimajut Nunatsiavut kavamangani ilingajut tagvunga angiKatigegutimmut.
- (2) Akiligialet akilittaugialellu utittitaujut atâni allataugiallasimajumi (1) akilittaugiaKavut Nunatsiavut kenaujakkuvinganollugu.

Akilittaunitsanga AngiKatigegutik

10.

AngiKatigegutik aittotaunniapat ukununga ubvalu kiggatullugit Nunatsiavut kavamanga akilegiamut akilitsamik ubvalu atugatsanginnik Torngat kuapangata malillugu tagvani PikKujammi, Katsitut pitâgijajut akilittaugiaKavut malillugit maligatsait angiKatigegutimmi akilittaulutik aitillugit Nunatsiavut kenaujakkuvinganut ammalu akilitsasittauluni tagvangat kenaujakkuvimmit.

Tauttilitsasinik Akilegiamut AngiKatigegutimmik

11.

Imaimmat, Nunatsiavut kavamanga angiKatigegutikkut akilegiamut akilitsanik ubvalu atugatsanginnik Torngat kuapangat malillugu tâna PikKujak, AngajukKâk-katimajini tauttilitsasigunnaKuk Katsitut akilinnik pigiaKaKutik sakkuiluni maligatsatigut sakKijut tagvangat angiKatigennimit atuttaugatsanik sakkuiluni maligatsatigut Nunatsiavut kavamangani.

AngiKatigegutik Akilitsasittaugunnaninga kenaujakkuvimmit.

12.

Ilonnatik angiKatigegutet âkKitaumajut tagvani PikKujammi akilitsasittauKattaniattut kenaujakkuvimmit akingatut angiKatigegutet Kangaulippat pigiaKaligutik.

Tigumiagunnaik Asiagullu PiKutunik Atuttaugajattunik Akiliutigillugit

13.

- (1) AngajukKaunet katimajet pitsatunittâsigunnaKut pisigiamik ubvalu asiagut pitâgillugit piKutet ilingajut illunut akiligialinnik, akilitsasillutik ubvalu paitsiutitsamik, ilonnâgogaluappat ubvalu asiagut, ilingajut nallituinnanginnut angiKatigegutimmut âkKitausimajuk atâni tagvani PikKujammi.
- (2) kenaujaligiji aullaigunnaKuk, aktasilluni ubvalu igitsiluni nallinginnik piKutitik pitâgijausimajunik atâni allagiallatausimajumi (1) isumatsasiugutigillugit maligatsatigut piusiugialitigullu kenaujaligiji pikKujusingagut uKautjigiagusingatut.
- (3) SakKijut aullainimmit, aktasinimmit ubvalu igitsinimmit âkKitausimajut atâni allagiallatausimajumi (2) akilillugu kenaujaligijimmut ammalu ilijauniattillugu kenaujakkuvimmut.

Angiutaugialet Atitâllugillu kenaujatsait

14.

Ilonnatik angiKatigegutet, angiutausimajullu ammalu asingitigut sunatuinnaugaluagutik ilingajut angiKatigegutimmi âkKitausimajut atâni tagvani PikKujammi aulataujut kiggatullugit Nunatsiavut kavamanga kenaujaligijimmut ammalu Aulatsijimmut.

NukKatitauninga Torngat Tauttilitsasigiamut AngiKatigegutingata PikKujanga, 2015-imi

15.

Torngat kuapangata Tauttilitsasigiamut AngiKatigegutingata PikKujanga, 2015 nukKatitaujuk.

AtuttauliaKinitsanga

16.

Una PikKujak atuttauliaKiniattuk tagvainak nalunaikkusittautuaguni malillugu *Nunatsiavut Maligatsangita AllaKautingata PikKujangani.*